

Athenæ Act. Apost. 17. v. 15. 16. &c. Athenis Paulus Euangelium prædicavit, v. 34. credideruntque aliqui, in quibus Dionysius Areopagita. Atheniensium etiam aliquoties mentio 2. Machab. 9. v. 15. & Act. Apost. 17. v. 21. ubi ait Paulus Athenienses ad nihil aliud vacare, quam aut dicere aut audire aliquid novi, v. 22. ipsos per omnia superstitiosiores arguit. Athenæ Græcis, Latinisque Scriptoribus celeberrimæ.

Athmatha septima est urbium Regionis septimæ Tribus Judæ. Eam describit Josue 15. v. 54. inter Apheca, & Cariath-Arbe.

Ava. Vide Ana. Ubique etenim Ana & Ava simul describuntur.

Avim septima inter urbes primæ partis Tribus Benjamin recensetur. Josue 18. v. 23. eaque inter Bethel & Aphara.

Auran. Semel atque iterum meminit nominis Auran Ezech. 47. v. 16. Dòmus Tichon, quæ est juxta terminum Auran. & v. 18. Plaga orientalis de medio Auran. Regio est in 2. Manasse confiniis Auranitidem regionem cum Bathanæa & Trachonitide ubique conjungit Josephus. Eas etenim primùm Augustus Herodi concessit, tum Philippo Herodis filio, & tandem ejus nepoti Agrippæ Claudius Cæsar. Vide Joseph. 15. Antiq. 12. & 17. c. 17. & 1. Bell. c. 15. & 2. c. 17.

Aufis & Terra Aufidis Jerem. 25. v. 20. eamque in Idumæa, & inter Ægyptum, & Philisthæos locare videtur Propheta, forteque ab Us filio Difan, filii Seir. Alias duas Aufitidis regiones demonstrat eruditissimus, & sagacissimus Bochartus c. 8. lib. 2. partis primæ Geographiæ suæ Sacræ.

Azanolh Thabor. Josue 19. v. 34. revertiturque (à Jordane) terminus (Tribus Nephtali) contra Occidentem in Azanolh-Thabor, & inde egreditur in Hucuca. Situs urbis Azanolh-Thabor non longè est à Capharnaò, & à Beth-saida, quarum urbium nomina cum non innotuerint nisi mille & quingentis annis postea; facile concesserim urbem alterutram cum Azanolh-Thabor convenire, forteque Bethsaida; ut dicemus in Lecum.

Axaph, Achsaph. Vide Acco.

Aza. V. Asa.

Azeca Josue 15. v. 35. decima est secundæ partis Tribus Judæ, inter Odollam-Socho, & Saraim.

Azmaüeth, Azmoth, Beth-Azmoth. Villa sive prædium penes Ierusalem. 2. Esdr. 12. v. 29. Et de regionibus Geba, & Azmaüeth; quoniam villas ædificaverunt sibi Cantores in circuitu Ierusalem. Dixerat ante 1. Esdr. 2. v. 24. Filii Azmaüeth quadraginta duo, & 2. Esdr. 7. v. 28. viri Beth-Azmoth quadraginta duo. Ubi Beth-Azmoth facile videtur idem locus, qui Azmaüeth. Sed & Beth-Azmoth idem est quod Domus Azmoth.

Azotus. Josue 11. v. 22. non reliquit unum de stirpe Enacim, in Terra filiorum Israël, absque civitatibus Gaza, Geth, & Azoto: in quibus solis relictæ sunt. 15. v. 47. Azotus censetur inter urbes, quæ Tribui Judæ assignantur. 1. Reg. 5. v. 1. Philistiim tulerunt Arcam Dei & asportaverunt eam à lapide adjutorii in Azotum, v. 2. tuleruntque in Templum Dagon, & statuerunt eam juxta Dagon, & sequent. quod semel atque iterum corruit ante Arcam Domini. Et aggravata est manus Domini super Azotios... & percussit in secretiori parte natium Azotum, & fines ejus... & nati sunt mures. Primùm ergo Azotii, deindeque arcæ oppidatim per alias urbes Philisthæorum circumductâ aliæ quoque urbes percussæ sunt: donec consilio cum Sacerdotibus suis habito, eam Israëlitis remittere cum muneribus, anis scilicet, & muribus aureis, visum fuit. In prima Apostolorum dispersione Philippus post Eunuchum baptisatum, Spiritu raptus in Azoto Christum prædicavit. Act. Apost. 8. v. 40. Cæterum Azotus una est ex quinque Satrapiis Philistinorum, earumque media, & cui Accaron & Geth sunt ad Septentrionem, Ascalon & Gaza ad Meridiem.

Latit.	Longit.
Gr. Scr.	Gr. Scr.
37. 30.	50. 5.
31. 18.	66. 27.
29. 40.	81. 30.
31. 46.	66. 54.
33. 19.	67. 55.
30. 25.	66. 0.
32. 52.	67. 47.
31. 34.	66. 13.
31. 40.	65. 34.